

甘宁青史略

甘肅通志

甘甯青史略卷之九

宋眞宗戊戌咸平元年遼統和十六年夏十七年甘州回鶻來貢先是回鶻可汗祿勝貢玉勒鞍名馬寶器願以兵助討李繼遷至是復來

貢

冬十月李繼遷寇石州知石州韓崇訓追襲之至賀蘭山而還

十一月丙辰朔河西軍右廂副使歸德將軍折通遊龍鉢來朝

命爲酋長雖貢方物未嘗自行今始至獻馬二千餘匹加龍鉢安遠大將軍

案宋太祖卽位後懲唐末及後五代藩鎮之弊分遣禁旅戍守邊城立更戍法一禁兵天子衛兵也一鄉兵諸州之鎮兵也一鄉兵選自戶籍或士民應募所在團結訓練以爲防守之兵也一藩兵塞下內屬諸部落團結以爲藩籬之兵也一募兵召募之制起於府衛之廢蓋籍天下良民以討有罪三代之兵與府衛是也

置估馬司估番部及進貢馬價凡市馬之處河東府州岢嵐軍陝西秦渭涇原諸州川峽益黎等州皆置務歲得五千餘匹以布帛茶他物準其直

己亥二年遼統和十七年夏十八年春正月以王漢忠爲涇原邠甯靈環都部署

詔棄鎮戎軍

先是李繼隆送軍糧赴靈州必由旱海路自冬至春而芻粟始集繼隆請由古原州蔚茹河路便衆議不一繼隆獨遣弟繼和面奏曰平涼舊地山川險

阻勞扼夷落爲中華襟帶城之爲便太宗乃許焉遂率師以進壁古原州令如京使胡守澄城之是爲鎮戎軍至是帝詔棄之遂不守

李繼周帥師入夏境

軍興以來王師於境上備禦從未深入攻掠至是李繼周帥師乘不備驟入夏境焚積聚殺人畜擄器甲凡六十餘萬

沙州蕃族首領來貢

夏六月李繼周率師西殺指揮使李璠

繼周引騎掠河西與虎翼指揮使李璠遇璠手格殺數十人身被數槍力戰未已會馬中

矢仆遂沒於陣帝哀其死事錄其子李榮爲虎翼副都頭因語殿前部指揮使王超曰遷領衆萬餘邊與官軍遇於隘口遂掩襲之殺虜甚衆李璠者向非馬倒亦不至於敗

超曰王師雖勝敵情難測望益謹邊備帝深納其言

以秘書丞何亮初通判武興軍

詔與轉運使陳緯同往靈州經度屯田

三年

遼統和十八年夏十九年

復城鎮戎軍

鎮戎棄後夏人侵犯之路無阻復掠蕃族南至渭州安國鎮北一百二十里西至南市界三百餘里

更於蕭關屯衆萬子米連西鼠等兵三千以脅原渭靈環熟戶當時族帳謀歸繼遷者甚多帝乃復命城鎮戎以李繼和知其軍而宋臣猶有議其非者明年張齊賢梁灝經略西

事因訪繼和邊事繼和言鎮戎軍爲涇原儀渭北面扞蔽又爲環慶原渭儀秦熟戶所依
正當回鶻西涼六谷吐蕃咻通賤遇馬賊梁家諸族之路自置軍已來克張邊備方於至
道中所葺今已數倍誠能常用步騎五千守之涇原渭州苟有緩急曾於此軍力戰守
則賊必不敢過此軍而緣邊民戶不廢耕織織戶老幼有所歸宿此軍苟廢則過此新城
止皆廢壘有數路來寇若自隴山南下則由三百堡入儀州制勝關自瓦亭路南去則
由彈箏峽入渭州安國鎮自青東嶺東南去則由小盧大盧潘谷入潘原縣若至潘原而
西則入渭州東則入涇州若自青石嶺東去則由東山若故彭陽城西并入原
州其餘細路不盡數如以五千步騎令四州各爲備禦不相會合則兵勢分而力不足禦
矣故置此城以扼要路即今自靈環慶鄜延石隰麟府等州以外河西之地皆屬於賊若
更攻陷靈州西取回鶻則吐蕃震懼皆爲吞噉西北邊民將受驅劫若以可惜之地甘受
賊攻便思委棄以爲良策是則有盡之地不能供無己之求也自咸平二年棄鎮戎後繼
遷徑來侵掠各族謀歸賊者亦多復置此軍一年以來蕃部少安以此較之則存廢之說
相去萬
倍矣

秋九月慶州發兵護芻糧詣靈州復爲李繼遷所劫時慶州護送芻糧詣靈州過旱

陝西轉運使陳緯皆戰沒方其初發兵也鄭文寶素知西
邊山川險易上言必爲繼遷所敗已而果爲繼遷所劫

案早海即沙漠在故平遠縣北四十里之章州堡東北或數里或數十里皆沙磧及抵靈
州屬之海子井東極蒙古浩渺無際宋史呂端請發兵取鄜延環慶道直擣銀夏巢穴以

西夏獨立戰守兼籌時代 宋真宗

蘭州後華印書館出版

甘肅通志卷之九

解靈武之圍或云盛夏涉旱海糧連艱辛不如靜以待之果其處歟平遠民國初改鎮戎今又改為豫旺縣

冬十月李繼遷升保靜縣為靜州

李繼遷攻破懷遠縣及保靜故升為靜州

案保靜廢縣在雷夏府東南接靈州界隋開皇十一年置宏靜縣唐屬靈州神龍元年改為宏靜至德元年改為保靜寰宇記引圖經云宏靜本漢城居河外三里乃舊薄骨律鎮

倉城也元廢

以陳興知鎮戎軍

與上言鎮戎軍南去渭州瓦亭砦七十餘里中有二堡請留兵三百人戍之遂與曹瑋秦翰等領兵抵鎮戎西北掩擊擒斬甚衆詔賜有加

十一月契丹授李繼遷子德明為朔方軍節度使

德明小字阿移是為元昊之父

幕壽祺曰契丹西境直對夏州黨項東山諸部臣事者多太宗雍熙三年春二月李繼遷見諸部潰散力弱兵單乃遣張浦持重幣至北方請附將假其援助以為後圖此固無足怪者而契丹主授繼遷定難軍節度使都督銀夏州諸軍事佔中國主權矣至州是又以朔方軍節度授其子德明有強權無公理有國者可不亟圖自強哉

十二月詔環慶大屯土馬

以繼遷數擾邊也

辛丑四年夏二十年夏四月回鶻可汗祿勝請以兵助西討

回鶻自唐末浸微散處甘涼瓜沙間各立君長

分領族帳時繼遷猶駐積石將西掠吐蕃健馬北收回鶻銳兵然後長驅南牧西州回鶻
可汗祿勝知其謀遣樞密使曹萬通以玉勒名馬獨峯無峯駝寶鐵劍甲琉璃器來貢
言本國東至黃河西至雪山有小部數百甲馬甚精習願朝廷命使統領使得縛繼遷以
獻因降詔祿勝曰賊遷凶悖人神所棄卿世濟忠烈義篤勇甥繼遷上奏封備陳方略且欲
大興精甲就覆殘妖拓土西陲獻俘北闕可汗功業其可
勝言嘉歎所深小忘朕意今更不遣使臣一分委卿統制

案李繼遷所駐積石此小積石山也在河州西北及西甯循化縣境接碾伯縣境本名唐
述山水經注黃河北有層山山甚靈秀山峯之上立石數丈亭亭傑豎競勢爭高其下層
岩峭舉壁岸無階中多石室室中若有積卷而世士罕有津逮者因謂之積書巖巖堂之
內每見神人往還俗人不悟其仙乃謂之神鬼彼羌目鬼曰唐述因名曰唐述山指其堂
密之居謂之唐述窺下有水南注河謂之唐述水按禹貢積石本在徼外自唐以
靖遠城置積石軍始置其名於內地而以小積石別之大積石在青海境另有考

秋八月以張齊賢為涇原諸路經略使

帝以繼遷雖入貢而抄劫邊部益甚乃以張齊賢為涇原諸路統略使齊賢言靈武孤城

必難固守徒使軍民六七萬陷於危亡之地與楊億議棄靈州輔臣多不可初何亮通判
永興軍詔與轉運使陳緯往靈州經度屯田及還上安邊策曰竊謂今議邊事者不出三
途請棄請靈武一也輕議與師二也姑息而羈縻之三也而臣以為輕棄靈州則我狄之
患有未可量者三靈武地方千里表裏山河一旦給之則我狄之地廣且饒矣一患也自
環慶至靈武凡千里故西域戎狄剖分為二為舍靈武則西域戎狄合而為一二患也冀
之北士馬之所生自匈奴猖獗之後後無匹馬南來咸取足乎西戎既剖分為二其右乃

西戎之東偏實為夏賊之境其左乃西域之西偏秦渭儀涇之北諸戎是也如舍靈州則合而為一夏賊桀黠服從諸戎俾不得貨馬於邊郡則未知中國戰馬從何而來三患也輕議與師則有不利者四深入窮追夏賊度不能抵必奔遁絕漢王師食盡不能久留而退西賊復擾者一也寇至而不戰則邊郡被其患戰則緣邊之兵不足以當其衆者二也清遠西北曰旱海蓋靈武要害之路而白馬二將奔敗之地如王師薄伐無功而還則夏賊必據要害以絕河西糧道者三也河西路阻必將大興征討以通糧道疲民重困盜賊必多者四也若姑息而羈縻之則有不可者二成狄豺狼貪愾無厭必將服從諸戎然後為中國大患者一也自白馬二將奔敗之後夏賊得志擇靈武山川之險而分據之意在吞噬譬如伏虎見便則動者二也在臣愚慮不出二策自清遠至靈武有薄樂耀德為河西之糧道賊若悉衆來犯中吾上策也何者夏賊所以未滅者誠以深入窮追則奔遁絕漠師退則復來擾邊使其敢來與王師拒戰則其珍滅也久矣彼若知動無所利恭而聽命則中吾下策者也今雖存靈武使阻隔旱海居絕塞之外不築此二城為之唇齒與舍靈武無異今特城此二城則賊不敢動矣議者將曰國家贍靈武猶曰困匱而更供給二城其費不更大乎臣以為不然靈武至清遠不滿三百里而殼價殊絕者以度旱海無舍宿之地有戎寇之憂故也如建此二城則軍民之趨靈武也有舍宿之地少戎寇之憂輪羅日益穀甯無賤乎以減殺之價供二城之費又何疑焉外此則復有一說烏白鹽池夏賊所泊諸戎視之猶司命也如夏賊來寇則令延慶之師入其境先據烏白之池而號令諸戎曰有得夏賊首者分封其地而以烏白與之則諸戎願禽之者衆矣帝不能決

秋九月李繼遷陷清遠軍

繼遷攻破定州懷遠縣及保靜永州遂攻清遠軍知軍劉繼
 監押丁贊等分兵拒守繼遷鼓衆攻南門其子阿移攻北門

堙壕斷橋以戰時宋都部署楊瓊頓兵慶州清遠屢走間使詣瓊請濟師瓊將悉出兵爲
援鈴轄內園使馮守都規監崇儀使張繼能曰敵近重兵在前繼無以進不可悉往乃止
命副部署潘璘都監劉文質率兵六千赴之且曰伺我之繼至瓊逗遛不進又清遠軍都
監段義踰城叛降繼遷城遂陷瓊聞清遠陷益惶怯不前遂棄青岡城并焚芻糧兵伏驅
老幼以出退保洪
德砦未嘗交一鋒

案清遠軍宋置在靈州東南實乎記靈州有清遠軍管蕃部
九宋史咸平四年李繼遷來攻清遠軍監軍段義叛城陷

李繼遷圍靈州

繼遷既陷清遠遂乘勝圍靈州兵勢日盛有圖取朔方之意中國困於飛
輓咸以靈州乃必爭之地苟失之則緣邊諸郡皆不可保宋帝乃以王超

爲西面行營都部署
署將兵六萬禦之

帝以陝西二十三州圖示諸臣

靈州山川險易蕃部所處又指秦州曰此州在隴山之
外實爲富庶且與羌戎接診昨已命張雍出守冀其綏

撫有方也次復指殿北壁靈州圖曰此馮業所畫頗爲周悉山川形勢如此安得知勇之
士爲朕守之乎又指南壁甘伊涼等府圖及東壁幽州已北契丹圖曰契丹所據地南北
千五百里東西九百里封域非
廣也而燕薊淪陷深可惜耳

羌族鬼通等復來歸

鬼通本環州熟戶爲繼遷所掠至是背繼遷徙帳來歸又
繼遷諸羌族胡葉示及撲咩訛猪等首領亦率屬來歸

冬十月曹璨以蕃兵邀李繼遷輜重於唐隆鎮

繼遷以兵徇唐隆鎮謀從蕭關武延石門路攻麟府麟府濁輪副部署曹

璨以熟戶兵擊繼遷輜重於鎮西柳撥川殺獲甚衆生擒其大校四人

以西涼府六谷都首領潘羅支

長編作博羅齊今改爲巴勒結

爲鹽州防禦使兼領靈州西面都

巡檢使

羅支使言於知鎮戎軍李繼和願戮力來討繼和請授以刺史仍給廩祿經略使張齊賢又請封六谷王兼招討使帝以問宰相皆曰羅支已爲酋帥授刺史

太輕未領節制加王爵非順招討使號不可假外夷乃以爲鹽州防禦使兼靈州西面都巡檢使旋遣部下李萬山率兵助討貽書繼和請師期

十一月甲午詔西番諸族有能生禽李繼遷者當授節度使賜銀絲茶六萬斬

首來獻者授觀察使賜物有差

遣使諭秦隴以西諸戎攻西夏

用吳淑議也先是吳淑上言近者北狄折衄天兵振蕩匈奴必當逃遁繼遷必當沮喪以此取之計之上也若

繼遷退伏沙漠窮追不獲游魂假息猶爲後患臣謂宜通西域之地以助靈武之勢可以掩其不意以誅結寇宜遣使諭秦以西諸戎結其歡心令爲前驅指導斯不難矣夫蕃戎靡不貪慕財賄國家誠不愛重幣珍玩以臨之爵賞榮耀以誘之則西戎宜其爲用矣古人云以蠻夷伐蠻夷計之上者也宜示之以中國強盛喻之以中國富厚待之以至誠臨

之威武夷落其
不敢存服哉

十二月戊寅李繼遷蕃族訛遇等歸順

繼遷部族訛豬等率屬來附

陝西轉運使劉綜請於古原州鎮戎軍置屯田五百頃從之

初西魏做周典置府兵北周因之置總管

府於高平唐沿隋制貞觀五年於原州置中都督府宋改廂兵領於本州至是綜請置屯田五百頃役軍二百牛八百耕種之於軍城前後北及木峽口各置堡砦分居之無寇則耕有寇則戰擇使臣充四砦監押每砦五百人充屯戍詔從之

案宋兵志廂兵領於本州有總管鈐轄都監監押管員初內總於侍衛司而諸州各以事為屬建隆時選州兵之壯勇者部送京師以備禁衛餘留本州更置壯城以給繕完城壘之役廂兵之外有義勇號曰保定又有蕃號曰振邊又涇原路鎮砦城堡二十一強人一萬二千四百六十六壯馬四千五百八十六為一百十甲總五百五隊又治平四年閏三月收原州九砦蕃官三百八十一人總二百二十九族七千七百三十六帳蕃兵萬人馬千匹

慕壽祺曰漢文帝用晁錯之言募民耕塞下屯田於是乎興矣相沿數千餘年漢之屯田以兵不過數郡而已唐之屯田以民至九百二十二所其餘歷代或兵或民各有不同總

之西北屯田為最多宋去唐未遠原州鎮戎距西夏甚近劉綜為擴充軍備起見欲使人盡為兵於鎮戎軍城前後劃出民田若干請為屯田非真有荒田五百頃也而寓軍於農之意亦於是乎在

壬寅五年遼統和二十年夏二十一年春正月李繼遷部將臥浪己等內附給田宅

繼遷置市於赤棗沙陀等路

赤沙川棗駝口兩路為靈夏二州蕃族屯聚處繼遷各置會貿易以誘熟戶陝西轉運使劉綜請令本路部置潛軍

討之帝曰邊界市易往來若不戒而殺是暴也宜先諭民以條約如有違者即嚴譴之

繼遷與靈州副都部署張凝戰敗績

時斥堠數擾轉運使劉綜懼飛輓不給問計於凝凝曰今當深入因敵資糧不足慮也乃自白

豹鎮率兵入敵境生禽夏將燒蕩二百餘帳芻糶八萬斬首五千餘獲牛馬器甲二萬降九百餘人

三月繼遷陷靈州知事裴濟死之

繼遷既陷河外五城遂大集蕃部攻靈州斷饜道孤軍絕援濟刺指血染奏求救甚急帝所遣張煦

等諸援兵行至鎮戎而靈武已陷濟死之

案宋史咸平五年春李繼遷寇靈州內客省使順州團練使裴濟死之濟在靈州凡二年謀緝八鎮與屯田之例民其賴焉及被圍餉道斷絕濟刺指血染奏求救大軍訖不至城

遂陷戊申事聞宰相等
上表待罪詔慰諭之

幕壽祺曰宋何亮有言靈州地方千里表裏山河為中外必爭之地蓋靈州居諸路上流在甯夏黃河以東為關中之屏蔽自趙吉盤據後西夏遂日強大從此邊防吃緊涇原環慶之關門不啓而東至鄜延西至秦鳳莫不被其侵略矣

李繼遷改靈州為西平府

案地理志漢置靈州高平二縣屬北地郡後漢徙廢後魏太延二年置薄骨律鎮孝昌中改置靈州唐天寶初復曰靈武郡乾元初復曰靈州宋咸平五年入於西夏改為西平府又改翔慶軍元復曰靈州屬甯夏路明洪武初改靈州千戶所屬甯夏衛

援師還為夏人所邀都監張煦擊却之

先是王超張凝秦翰援靈武命煦為西路行營都監至鎮戎聞靈武已陷復還本任與張

凝入夏境出白豹鎮至柔遠川夏人七百餘邀戰煦與慶州監軍張綸擊殺甚衆清遠故城有酋長請以甲騎三千來降煦語凝曰此詐也亟嚴兵以待之果然凝按部歸環州道為敵所邀煦聞之領所部銳兵自慶州赴之一夕與凝會射殺其大將與凝同還

夏六月李繼遷襲鎮戎軍不克

夏人伺鎮戎軍警巡弛備一夕塞長壕越古長城抵城下李繼和與都監史重貴出兵禦之夏人據險再突城

隍列陣接戰重貫中重創力戰夏人敗走亡失甲騎無算

詔益兵八千分屯環慶涇原

知麟州衛居實言繼遷以衆二萬來攻城兵出擊走之殺傷過半

案唐志麟州都府開元十二年析勝州之連谷銀城置兼置新秦郡後五代時屬北漢宋初仍曰麟州新秦郡即今陝西神木縣地後爲西夏所據

秋七月戎人寇洪德砦守將擊走之

案慶陽府志紅德城初名洪德在環縣境內距靈武最近宋章綏遣折可適破夏人於此北通甯塞東接安定夏人出沒必由之路明成化八年馬文升提兵至此見城廢垣存或起或伏遂命郡同知薛祿因垣修城西削山根東削高崖城復屹立近城有川立塹屯軍以扼其口如環縣川口作臺之計又徙批驗所於內以詰商賈軍民稱便

夏築河防

黃河自積石經河州合洮河水東北流至蘭州過鳴沙河應里州北繞靈武由懷遠縣入夏州向有古渠一曰漢源長袤二百五十里曰唐梁長袤三百二十

里夏州自上年八月不雨穀盡不登至是旱益甚繼遷令民築堤防引河水以灌田役人有小過輒繫頭投之河使人就下流按視蕃人則援以出漢人則否八月雨九晝夜不止河水暴漲防四決善漢漂溺者無數

九月丙子沙州曹宗壽遣使人貢以宗壽爲歸義軍節度使

宗壽延祿之從子也

冬十月己巳遣使賫藥賜鎮戎軍將士

辛巳涇原部署繫內屬蕃族數叛者九十一人請誅之詔釋其罪

蕃族往來飄忽勢難久持然其

民皆兵居易於點集李繼遷時加煽惑使擾邊界誅之不可勝誅帝故報其罪

李繼遷遣使誘潘羅支部族不得

六谷分左右廂左廂副使折通游龍鉢實參羅支戎事宋帝方務綏懷命龍鉢領宥州刺史其六族首領

褚下箕等皆為懷化將軍繼遷用兵買馬必由西涼惟恐梗塞遣人以鐵箭誘六谷諸蕃叛附羅支數一人繫一人表聞候旨帝褒諭之聽自處置

繼遷將襲儀州制勝關以邊將有備不果

盧鑑知儀州州有制勝關最號險要繼遷欲乘虛襲取之放言將由此大入謀者以

告招徙老幼芻粟於內地鑑曰此姦謀也且示虜弱搖民心臣不敢奉詔卒不徙已而繼遷亦不至案儀州即今華亭縣本名義州避宋太宗諱改為儀餘見此卷慶歷元年夏四月

月注制勝關在今化平縣東南舊屬華亭新唐志原州有制勝關為七關之一控帶蘭山以西之路即此舊號大振門宋慶歷中改為關

繼遷遣兵攻黨項咄咄通族首領泥埋遣子成通來貢

帝聞賀蘭山有小涼大涼族其盛常恐與繼遷合勢為患

欲撫之因成通還特詔賜之以激其立効

繼遷渡河攻黨項莊浪族不克

莊浪族數萬帳居黑山北廣袤數千里東接契丹北鄰塔坦南至河西連大涼小涼諸族中隔銀夏道路遼絕

其首領龍移味克或稱莊浪味克素不與繼遷合常以馬附藏才族入貢頗勤外禦宋帝授龍移為安遠大將軍味克為懷北將軍以褒之繼遷惡其不附已舉兵渡河襲之大敗

而

十一月甲午六谷首領潘羅支等貢馬第給其置

癸卯六年

遼統和二十一年夏主德明元年

春二月以六谷酋長潘羅支為朔方節度使

羅支遣時述族蕃官成述

馳騎至鎮戎軍請會兵來討又遣蕃官吳福聖臘入貢於宋表言感朝廷恩信憤繼遷佩強已集騎兵六萬乞會王師收復靈州故有是命議者以西涼去渭州限河路遠不可預約師期帝曰繼遷常在地斤三山之東每來寇邊及官軍出則已遁去使六谷部族近塞捍禦與官軍合勢亦國家之利降詔許之

李繼遷出駐鐵子山復以鐵箭誘潘羅支不答

三月原州熟戶裴天下

長編作裴天下

等請率族兵掩擊遷黨移湖

長編作伊特克

等帳求策

應州酋長蘇尙娘亦領兵來擊且屢以敵中機事告於朝帝以為臨州刺史

岑移

長編作沁陽

麻謀

長編作瑪默特

巢迷

長編作楚克密

蘇威家

蘇威家

蘇威家

蘇威家

蘇威家

蘇威家

蘇威家

蘇威家

附

時內屬戎人與西夏界錯居處為角誘宋環慶部署張燧領兵離木波鎮直入州原下營招降岑移等三十二族又至分水領降麻謀等二十一族柔遠鎮降巢迷等

二十族遂抵樂樂降樹羅家等一百族合四千八百戶皆復歸於宋

案木波城在今環縣南四十里唐為木波堡貞元九年詔城鹽州命朔方都虞候楊朝晟成之五代時為鎮屬常州周割屬通遠軍元廢今為木鉢鎮柔遠川在慶陽府安化縣東北一百八十里西南流入東河東河源出安化縣北青沙嶺南流逕元城鎮懷安城業樂延慶東會白沙柔遠懷安等川西會鐵邊山水至縣城東折而南會於西河又案遠岩在安化縣北一百四十里城周二里

夏人遷都西平府

初繼遷居夏州修復寢廟撫綏宗黨舉族以安及得靈武愛其山川形勝謀徙都之弟繼瑗言銀夏係累世經營祖宗靈爽實式憑之今欲復

未久遽爾遷棄恐擾衆心繼遷曰從古成大事者不計苟安立大功者不徇庸衆西平北控河朔南引慶涼據諸路上游扼西陲要害若繕城浚濼練兵積粟一旦縱橫四出關中莫知所備且其人習華風尙禮好學我將藉此為進取之資成霸王之業豈平夏偏隅可限哉遂令繼瑗與牙將李知白等督衆立宗廟置官衙挈宗族建都焉

李繼遷盡復宥有諸州地

繼遷雖投定難軍節度而統有諸州尙屬中國及建都西平兵力日盛帝遣張崇貴王涉議和盡割定難軍地與之於是